

Ministarstvo zdravstva Kantona Sarajevo (u daljem tekstu: Ministarstvo), kojeg zastupa Prof.dr.Haris Vranić,Ministar

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa Sakib Katana dipl. oec., Direktor

Klinički centar Univerziteta u Sarajevu (u daljem tekstu: KCUS), kojeg zastupa prof.dr.Sebija Izetbegović, Generalna direktorica

JU Apoteke Sarajevo (u daljem tekstu: JUAS), koje zastupa mr.ph. MBA Nedim Hrelja, Generalni direktor

Zaključili su

PROTOKOL
o realizaciji programa obezbjeđenja lijeka somatotropin
za liječenje osiguranih lica sa apsolutnom deficijencijom hormona rasta
za period 01.01. – 31.03.2021. godine

Član 1.

Zavod zdravstvenog osiguranja Kantona Sarajevo će za maloljetna osigurana lica na teret sredstava obaveznog zdravstvenog osiguranja obezbjeđiti lijekove:

Generički naziv	Zaštićeni naziv	Proizvođač	Oblik i jačina	VPC
somatotropin	Genotropin	Pfizer	prašak i otapalo za otopinu za injekciju (5,3 mg/ml) dvodjelni stakleni uložak sa liofilizatorom i otapalom u plastičnom spremniku	151,88
somatotropin	Genotropin	Pfizer	prašak i otapalo za otopinu za injekciju (12 mg/ml) dvodjelni stakleni uložak sa liofilizatorom i otapalom u plastičnom spremniku	341,73
somatotropin	Genotropin	Pfizer	1 napunjeni injekcioni GoQuick sa praškom i rastvaračem za rastvor za injekciju (5,3mg/ml)	151,88
somatotropin	Genotropin	Pfizer	1 napunjeni injekcioni GoQuick sa praškom i rastvaračem za rastvor za injekciju (12mg/ml)	341,73
somatotropin	Norditropin Nordilet	Novo Nordisk	rastvor za injekciju u napunjenom penu (5mg /1,5 ml)	152,00
somatotropin	Norditropin Nordilet	Novo Nordisk	rastvor za injekciju u napunjenom penu (10mg/1,5 ml)	306,00
somatotropin	Omnitrope	Novartis	rastvor za injekciju u napunjenom penu (10mg/1,5 ml)	194,56

Učešće Zavoda u utvrđenoj cijeni lijeka iznosi 100 %.

Navedene cijene se mogu smanjivati tokom trajanja protokola uslijed izmjene maksimalnih državnih cijena, odobrenja predstavnika proizvođača ili po drugom osnovu, a o čemu će Zavod obavijestiti apoteke.

Član 2.

Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 2 godine (navedeni uslov provjerava Zavod).

Smatrat će se da je osiguranik osiguran u kontinuitetu ukoliko u posmatranom periodu nije imao jedan ili više prekida osiguranja u ukupnom trajanju dužem od šest mjeseci.

Osiguranici koji su uključeni u ovaj program na osnovu ranijih Protokola, ne odnosi se odredba obaveznog trajanja osiguranja iz stava 1. ovog člana.

Član 3.

Indikacije za propisivanje lijeka:

- *osigurana lica do 18. godina života sa apsolutnom deficijencijom hormona rasta.*

Osiguranicima koji se nalaze na bolničkom liječenju, a tokom bolničkog liječenja su im potrebni lijekovi iz člana 1. ovog protokola, isti će obezbjediti na teret sredstava zdravstvene ustanove u kojoj se liječe, a ne putem ovog protokola na teret Zavoda.

Član 4.

Ovlašteni ljekari za propisivanje lijekova iz člana 1. prema indikacijama iz člana 2. su slijedeći ljekari Pedijatrijske klinike KCUS:

- *Prim.mr sci dr.Sniježana Hasanbegović*
- *Dr. Mithat Mujić*

Zavod i KCUS mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku lijekova po ovom Protokolu.

Član 5.

Propisivanje lijekova iz ovog protokola će se vršiti putem elektronskih recepata (eRecept i/ili eTerapija).

Zavod će obezbjediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivaču prilikom rada u integralnom informacionom sistemu.

Član 6.

Propisane recepte osiguranici će moći realizovati u JUAS - apoteka Skenderija, Ulica Reisa Džemaludina Čauševića broj 4, koja se obavezuje da će obezbjediti lijekove iz člana 1. u potrebnim količinama i iste fakturisati Zavodu, po cijenama i načinu utvrđenim članom 1. ovog Protokola.

Član 7.

Saglasnost za uvođenje u Protokol osiguranicima daje Zavod, po pismenom zahtjevu KCUS, a na osnovu prijedloga Pedijatrijske klinike KCUS, uz uslov ispunjenja indikacija iz člana 4. ovog Protokola i dostavljene medicinske dokumentacije, a u zavisnosti od finansijskih mogućnosti.

Član 8.

Ovlašteni ljekari iz člana 4. Protokola su dužni dostavljati tromjesečne izvještaje o osiguranicima uključenim u ovaj program liječenja i postignutim rezultatima terapije. Tromjesečni izvještaj se dostavlja Zavodu najkasnije 30 kalendarskih dana po okončanju svakog tromjesečja.

Izvještaji trebaju obuhvatati najmanje slijedeće podatke za svakog pacijenta koji prima lijekova iz ovog Protokola:

- ime i prezime pacijenta
- datum rođenja
- datum mjerenja
- visina i tjelesna težina pacijenta na dan mjerenja

U slučaju nedostavljanja navedenih izvještaja, Zavod može obustaviti daljnje finansiranje lijekova koji se obezbjeđuju po osnovu ovog Protokola.

Član 9.

Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni ljekari kontrolori Zavoda.

Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje lijekova koji se obezbjeđuju po osnovu ovog Protokola.

Član 10.

Na osnovu Odluke Upravnog odbora Zavoda o privremenom finansiranju, ovaj protokol se zaključuje na period od 01.01.2021. do 31.03.2021. godine.

Član 11.

Zavod zadržava pravo izmjene cijena u toku trajanja Protokola, o čemu će obavijestiti ugovornu apoteku.

Zavod je ovlašten da vrši tehničke ispravke i dopune u Protokolu, te da o učinjenim ispravkama obavijesti ostale potpisnike.

Član 12.

Ova Protokol sačinjen je u četiri (4) istovjetna primjerka od kojih svaki potpisnik zadržava po jedan (1) primjerak.

Sarajevo, 07.01.2021.godine

Ministarstvo zdravstva Kantona Sarajevo



Prof. dr. Haris Vranić 10-33-695/21

Zavod zdravstvenog osiguranja
Kantona Sarajevo



Sakib Katana dipl. oec.
01-33-5-334/21


Klinički centar Univerziteta Sarajevo



13-01-2021

Prof. dr. Sebiha Izetbegović

JU Apoteka Sarajevo



mi. prof. BA Nedim Hrišćina